

Lög um breyting á lögum nr. 80 7. sept. 1942, um kosningar til Alþingis, undirskrifuð af forsetanum sama dag, nr. 56.

Lög um breyting á lögum nr. 93 25. sept. 1942, um að reisa nýjar sildarverk-smiðjur, undirskrifuð af forsetanum sama dag, nr. 57.

Lög um menntaskóla, undirskrifuð af forsetanum sama dag, nr. 58.

Lög um sérstakar fyrningaraðskriftir, undirskrifuð af forsetanum sama dag, nr. 59.

59
12. apríl

Bréf félagsmálaráðuneytisins til sýslumannsins í Skaftafellssýslu, um skiptingu Nesjahrepps í tvö sveitarfélög.

Samkvæmt samþykkt hreppsnefndar Nesjahrepps og meðmælum sýslunefndar Austur-Skaftafellssýslu um skiptingu Nesjahrepps í tvö hreppsfélög, vill ráðuneytið hér með samkvæmt sveitarstjórnarlögum nr. 12 31. maí 1927, skipa svo fyrir sem hér segir:

1. Nesjahreppi í Austur-Skaftafellssýslu skal skipt í tvö hreppsfélög er nefnast Nesjahreppur og Hafnarhreppur. Hafnarhreppur nær yfir allt kaupúnið Höfn í Hornafirði ásamt öllu Hafnarneslandi og eyjar þær, er þeirri jörð fylgja. Landamerki jarðarinnar Hafnarness, eins og þau hafa verið, eru hreppamörk Hafnarhrepps.
2. Framfærsluþegar eru engir við skiptin, en framfærslu styrkþega er síðar kunna að verða úrskurðaðir á hinn forna Nesjahrepp, skulu hrepparnir bera sameiginlega, þannig, að Nesjahreppur greiði $\frac{1}{3}$ en Hafnarhreppur $\frac{2}{3}$ hluta framfærslunnar.
3. Elli- og örorkustyrkþegar tilheyri hinum nýju hreppum eftir því sem þeir eiga lögheimili þegar skiptin fara fram.
4. Um skiptingu eigna fer sem hér segir:
 - a. Í hluta Hafnarhrepps koma þessar eignir:
 1. Hafnarsjóður Hafnarkauptúns ásamt hafnarmannvirkjum sveitarfélagsins á Höfn, enda tekur Hafnarhreppur að sér allar skuldbindingar, sem á Nesjahreppi hafa hvílt vegna hafnarinnar.
 2. Ræktunarland Nesjahrepps í Hafnarkauptúni.
 3. Barnaskólahúsið á Höfn í Hornafirði.
 4. Verðbréf að upphæð kr. 480.00.
 - b. Í hluta Nesjahrepps komi:
 1. Hluti sveitarfélagsins í jörðinni Setberg í Nesjum.
 2. Þinghús hreppsins við Laxá.
 3. Eldtryggur skjalaskápur.
 4. Skólahúsbyggingarsjóður Nesjahrepps kr. 39000.00, og greiðir Hafnarhreppur í sjóðinn það er til kann að vanta að þessi upphæð sé í sjóðnum þegar skiptin fara fram.
 - c. Bókasafn Nesjahrepps skiptist til helminga milli hreppanna.
 - d. Sameign hreppanna skal vera fyrst um sinn:
 1. Raforkusjóður.
 2. Rörsteypumót.

Raforkusjóðnum skal skipta ef önnur hvor hreppsnefndin krefst þess og skal honum þá skipt þannig, að í hlut Nesjahrepps komi $\frac{1}{3}$ hluti sjóðsins en í hlut Hafnarhrepps $\frac{2}{3}$ hlutar. Á sama hátt getur Hafnarhreppur leyst til sín hluta Nesjahrepps ($\frac{1}{3}$) í rörsteypumótunum, ef önnur hvor hreppsnefndin æskir þess, og verði þær ekki á eitt sáttar um verðið skulu óvilhallir menn meta þau til verðs.

- e. Útistandandi skuldir og eftirstöðvar er skipti fara fram skiptast þannig, að 59
 í hlut Nesjahrepps kemur $\frac{1}{3}$ en í hlut Hafnarhrepps $\frac{2}{3}$ hlutar.
- f. Ellistyrktarsjóði Nesjahrepps skal skipt að jöfnu milli hreppanna. 12. apríl
5. Bækur og skjöl, sem sveitarfélagið á nú, skal vera eign Nesjahrepps, en hreppsnefnd Hafnarhrepps skal eiga aðgang að þeim þegar hún þarfnast.
6. Hreppsnefndarmenn skulu vera 5 í hvorum hreppi.
7. Um fjallskil og annað fer að lögum og reglum þeim, er hrepparnir setja sér.
8. Aðskilnað hreppanna skal miða við 1. janúar 1946 og skulu hreppsnefndir hinna nýju hreppa framkvæma skiptinguna. Verði ágreiningur út af skiptunum skal úr honum skorið af sýslunefnd.

Þetta tilkynnist yður hér með, herra sýslumaður, til frekari aðgerða og birtingar, að því viðbættu, að með framangreindri fyrirskipun er engin breyting gerð á hinum forna Nesjahreppi, sem dómsþing né manntalsþinghá.

S A M Þ Y K K T

60

fyrir Framræslu- og áveitufélag Framengja í Mývatnssveit. 10. apríl

1. gr.

Félagið heitir Framræslu- og áveitufélag Framengja í Mývatnssveit. Heimili þess og varnarþing er Skútustaðahreppur í Þingeyjarsýslu.

2. gr.

Félagið nær yfir eftirtaldir jarðir í Skútustaðahreppi: Litluströnd, Álftagerði I—IV, Skútustaði I—III, Gautlönd I—II og Arnarvatn I—III. Enn fremur svonefnt Sveinsstrandarengi, sem ekki er sérstakt ábyli.

3. gr.

Tilgangur félagsins er:

1. að annast framkvæmd og rekstur áveitu og framræslu á engjalöndum þeirra jarða, sem taldar eru í 2. gr.;
2. að koma í veg fyrir vatnságang og landspjöll af völdum Krákár;
3. að útvega og reka meðan á framkvæmdum stendur skurðgröfu frá ríkinu, samkvæmt ákvæðum laga nr. 54 frá 4. júlí 1942, V. kafli, 35. gr., og lögum nr. 38 frá 7. apríl 1943 um breyting á þeim;
4. að útvega fé sem styrk og lán til að koma nauðsynlegum mannvirkjum í þessu sambandi í framkvæmd.

4. gr.

Félaginu stjórnar þriggja manna nefnd, kjörin af aðalfundi til þriggja ára í senn. Gengur einn maður úr félagsstjórninni á hverju ári, tvö fyrstu árin eftir hlutkesti og síðan í röð eftir starfsaldri ár hvert. Varamenn í félagsstjórn skulu kosnir eftir sömu reglum. Þá kys og aðalfundur tvo endurskoðendur félagsreikninganna til tveggja ára í senn, og ganga þeir úr sitt árið hver, í fyrsta sinn eftir hlutkesti.

5. gr.

Stjórnin skiptir sjálf með sér verkum. Formaður boðar til allra funda í félaginu og stýrir þeim. Hann sér um bókun allra fundargerða og ákvarðana, sem félagið varðar. Hann varðveitir og öll skilríki, sem félagsskapinn snerta. Gjaldkerinn hefur á hendi reikningsfærslu félagsins og annast allar innheimtur og greiðslur